

Tirlandit

Si Wikipedia, tasanayt tilellit.

Tirlandit neɣ *tagaelit* (Gaeilge [ˈɡeːlʲ ʲə] *Gaylxa* s Tirlandit), d nettat ay d tutlayt taneɣlit n qrib merra imezdayen n tegzirt n Irland, xas ma yella ala kan 26 % n Yirlandiyen ara tt-yettmeslayen mlih ass-a. Anabaɗ n Irland yerr-tt d nettat ay d tutlayt tunɣibt (officielle), maca xas yebɣa tirlandit ad tuɣal d nettat ay d tutlayt tawɣidt i yes ara tleɣɣu tmurt sya ar sdat, mazal taglizit tesεa azal meqqren aɗas, ama ɣur wegdud Irlandi ay tt-yettmeslayen kull ass, ama ɣur n udabu n tmurt-agi.

Igburen
Tamurt-is
Tawacult-is
Timiwa n Gaeltacht
Tamselyut

Tamurt-is

Irland d yiwet si tegzirin timeqqranin akk deg umaɗal, imi ay tesεa 84.000 km2 (n yikilumitren imkuɣen). D acu kan, xas agdud aneɣli n tegzirt-a yiwen-ines, Irland tebɗa ass-a ɣef sin yehricen : Irland n Ugafa, ay teɣkem Briɗanya Tameqqrant akk d Tegduda n Irland, ay yewwin azarug-nnes di 1921, u tesεa ass-a 70.000 km2 yernu zedɣen-tt 3.700.000 n yimezdayen. Maca seg wasmi ay d-tlul tegduda tirlandit (yewwin aɣric meqqren si tegzirt), ara ssuturen Yirlandiyen n ugafa ad teffey Briɗanya Tameqqrant seg wakal-nsen u ad ttwaqqnen ula d nitni ɣer Irland tilellit.

Tawacult-is

Tirlandit d yiwet si tutlayin tiqburin akk di Turuft (Europe) u tekcem di terbaεt n tutlayin tiseltin (celtiques) ay yellan d aɣric si twacult n tutlayin tihendurufiyyin (indo-européennes). Dɣa xas ma yella tirlandit d tutlayt tahendurufit am teglizit neɣ tafrensist, ur tent-čuba ara aɗas, wanag čuba tutlayin ugar tutlayin tiseltin ay tt-igerben, am Tikusit (écossais), Tamankst (ay ttmeslayen di tegzirt n Man), Tagalit (gallois/welsh) akk d tebriɗunit (breton) ay ttmeslayen di tama n Bretagne, di Fransa.

Timiwa n Gaeltacht

D timiwa i deg d-mazal medden ttmeslayen mlih tirlandit yernu d tin ay d tutlayt-nsen tamezwarut di tudert-nsen n kullas. Tuget deg yemɗiqen n Gaeltacht uzgan-d deg Wetram (lɣerb) n Irland akk d kra n tegzirin tutrimin. Aɣric meqqren seg yikuntiyen (comtés) n Donegal, Mayo, Galway, Kerry akk d Cork kecmen di tmiwa n Gaeltacht yernu azal n 80.000 n yemdanen ara yilin zedɣen di tmiwa-ya. Tuget deg yimezdayen-agi tidiren s tfellaɣt neɣ s tkessawt, yernu aɗas n wansayen (traditions) irlandiyen iqburen ay d-mazal ddren ɣur-sen am uɣawan amensay (musique traditionnelle) akk d tutlayt tirlandit taqburt.

Timiwa n Gaeltacht sEan ddur' meqqren ačas deg wesnerni n tutlayt tirlandit di Irland. Akken ad yesnerni udabu timiwa-yagi u ad tent-yerr leεεbent ddur' di tdamsa n tmurt, yesbedd-d tanegga n Udaras na Gaeltachta. Tanegga-yagi tettekkay deg wesnerni n tme! r rayt (tourisme) tadelsant di tmiwa n Gaeltacht, dya ačas n medden ay d-irezzun yef tmiwa-ya akken ad issinen tutlayt d wansayen ineşliyen irlandiyen, am wakken diğ ara çren ccbağa n tmurt-agi, d ayen d-issekcamen idrimen imeqqranen i tmiwa-ya. Am wakken diğ ay tessebğas (encourager) tnegga n Udaras na Gaeltachta tikebbaniyin akken ad sseqdacent tirlandit di leqdic. Llant ačas n tkebbaniyin ara yesseftayen (investir) idrimen-nsent di tmiwa n Gaeltacht, u anect-a d ayen inefeen s wačas tadamsa tirlandit.

Si tama nniđen, imezdayen n tmiwa n Gaeltacht ssawađen tayect-nsen yer wakk timiwa nniđen n Irland, imi ay sEan yiwet n rr'adyu mechur'en, "Radio na Gaeltachta" yettmeslayen s tirlandit, yernu ttaken-as-d tamezğuyt wačas n medden, am wakken diğ ara tleεεeb tilibizyu n tutlayt tirlandit , TG4, ddur' meqqren deg uselğu n tutlayt-agi di tmurt merr'a.

Assider n tutlayt tirlandit maci ala kan d idles irlandi ay yenfeε, wanag yewwi-d lfayda meqqren i tdamsa (économie) n tegduda tirlandit. D anect-n umi ifaq udabu n tmurt-agi, u s waya ay nezmer ad d-nini d akken tirlandit yettr'ağtu-tt lxir meqqren yer sdat, imi ay tettekkay di lebni n tmurt-is.

Tamselyut

- Deg [mondeberbere.com](http://www.mondeberbere.com/tabrat/trabat5.htm) (<http://www.mondeberbere.com/tabrat/trabat5.htm>) Syur Hamid OUBAGHA.
-

Yettwakkes-d seg "<https://kab.wikipedia.org/w/index.php?title=Tirlandit&oldid=87201>"

Asebter-a yettwabeddel i tikkelt taneggarut ass n 3 Ctember 2019 yef 21:25.

Ağğis-a atan ddaw n Creative Commons Attribution-ShareAlike License; yezmer ad ilint tewtilin-nniđen. Wali-tent da irman n useqdec iwakken ad tafed ugar n yisallen.